

Uunga siunnersuut:**Ruslandimut allanullu pillaatitit iliuusissanik atuutsitsilernissamut
piginnaatitsissuteqarneq pillugu Inatsisartut inatsisaat**

§ 1. Ruslandip Ukraine-mut saassussinerata malitsigisaanik, Ruslandimut allanullu pillaatitit iliuusissanik atuutsitsilernissamut Naalakkersuisut piginnaatinneqarput, takukkit §§ 2 aamma 3.

§ 2. Ruslandimut allanullu pillaatitit iliuusissanut EU-mit (Den Europæiske Union), Naalagaaffiit Peqatigiinnit (FN) imaluunniit nunani tamalaani kattuffinnit allanit akuerineqartunut Kalaallit Nunaata ilanngunnissaa pillugu maleruagassanik Naalakkersuisut aalajangersaasinnaapput.

Imm. 2. Ruslandimut allanullu pillaatitit iliuusissanut, nunanit allanit akuerisaasunut, Kalaallit Nunaat ilanngutissasoq pillugu maleruagassanik Naalakkersuisut aalajangersaasinnaapput.

Imm. 3. Imm. 1 aamma 2 malillugit pillaatitit iliuusissanut ilanngunnermi, Naalakkersuisut pillaatitit iliuusissat Kalaallit Nunaanni pissutsinut naleqqussarsinnaavaat.

§ 3. Malitassani Inatsisartut inatsisaat malillugu aalajangersagaasuni, malitassani aalajangersakkanik unioqquitsinermut pinerluttulerinermut inatsit malillugu pineqaatissiissutissanik arsaarinninnissamillu aalajangersaasoqarsinnaavoq.

Imm. 2. Ingerlatseqatigiiffiit il.il. (pisinnaatitaallutillu pisussaataasut) pinerluttulerinermut inatsimmi 5. kapitali 5-imi maleruagassat malillugu pinerluttulerinermut inatsisitigut akisussaatinneqarsinnaapput.

Imm. 3. Akiliisitsinerit arsaarinninnerillu nunap karsianut tutsinneqassapput.

§ 4. Inatsisartut inatsisaat Inatsisartut inatsisaata atuutilernerata nalunaarutigineqarnerata aqaguani atuutilerpoq.

Namminersorlutik Oqartussat, ulloq x. xx xxx

Naalakkersuisut Siulittaasuat